

Das Erste Capittel.

Occasio hujus Scripti, Von der ursache/die mich/diſſ
Tracterlein zu schreiben / bewogen.

Ander Fürstlichen / des weiland Durchleuch-
tigen Hochgebornen Fürsten vnnnd Herrn / Herrn
Barnimi, Hertzogen zu Stettin Pomern 2c. Christ-
milder gedechtnus / solenniter zu Stettin gehaltenen
Leichbegengnus / welches war den 18. Octo-
bris itzlauffenden 1603. Jahrs nach 2. vhren: hat sichs bege-
ben / fast 45. minuten oder bald drey viertelstunden nach zwey
vhr / das mitten vnter den Ceremonien / ein blözlich vngehewer
gewitter / von platzregen / hagel vnnnd sturmwind / vnd darauff
ein schrecklich blitz / auch zugleich vnd strack's forth ein mittein-
fallender grewlicher donnerschlag in S. Jacobs Kirchen spi-
zen thurm vnuermutlich / vnd doher ein groß schrecken / auch
des processus confusion & quasi rhapsodia oder verwirrung / ent-
standen / da zuuor mehrertheil desselben tages zimlich schön vn-
trucken sich verhalten. So bald aber die selige Fürstliche Lei-
che / von der löblichen dazu verordenten Ritterschafft / auffge-
nommen wurde / das dieselbe in ihr liebes Ruhbetlein / biß zur
frölichen aufferweckung aller Todten in Christo / nu getragen /
vnnnd also / wie angeordnet / zu ihren löblichen Voreltern ver-
samlet werdē solte / hat sich als bald ein lieblicher gelinder sanf-
ter regen vermercken lassen / als wen der himel frey zuverstehen
geben solte / das er traum auch / in solchem hochbetrübtten fall
vnd vnuormutlichen abgang / so eines Christlichen Gottlieben-
den fromen Fürsten / seine threnē billich müste herab flossen las-
sen: Vnd diß entweder **MI** **V** **U** **S** / die wir itzo eines gros-
sen theils hertzlich betrübt waren vnd weineten: oder auch wol
NOSTRO LOCO vnd **FUR** **V** **U** **S** / ob irgend etliche / aus
wilder ruchlosigkeit vnd frecheit (wie dann der gemeine pöfel
nicht anders pfeget) das weinen vergessen hetten / vnnnd nur /
gleich als zu einem spectacel oder schawspiel / zusammen kom-
men weren / eine kurzweil zu haben. Ich zwar bedachte war-
hafftig bey mir domals diese zwey verßlin / vnnnd sagte sie auß-
drücklich

B ij

drücklich